

Sakspapir

Saksnr	Utvalg	Type	Dato
037/20	Kommunestyret	PS	23.04.2020

Saksbehandler	Arkiv	ArkivsakID
Ketil Tjore	FA-X20	20/93

Forskrift om stenging av sanitæranlegg ved campingplassar, bubilcamping og gjestehamner i samband med Covid-19

Vedlegg

Forskrift om stenging av sanitæranlegg ved campingplassar, bubilcamping og gjestehamner

Framlegg til vedtak:

Kommunestyret vedtek «Forskrift om stenging av campingplassar, bubilcamping og gjestehamner i samband med Covid-19».

Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.

Kommunestyret vedtek «Forskrift om stenging av sanitæranlegg ved campingplassar, bubilcamping og gjestehamner i samband med Covid-19».

Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.

Kommunestyret - 037/20 - 23.04.2020

KS - behandling:

Kommuneoverlege Peter Kubon orienterte om saka. Kubon viste til at det er ei utfordring som står att etter at ein opna camping-/ bubilplassar, og det er sanitæranlegga ved desse. Det er utfordrande å halda reint og føra oppsyn med desse. Kommunen har vore i kontakt med dei som driv desse anlegga, og det har allereie stengt desse på eige initiativ. Kubon har konkludert med at det rett å stenga sanitæranlegga inntil vidare, men det er mogleg å vera her med bubil eller båt utan å ha sanitæranlegg ope.

Reidar Øksnes (Sp) spurte om den kommunale tømme-stasjonen er open.

Peter Kubon svara at tømme-stasjonen er open, dette er dei private anlegga i Kilstraumen og i Njøten.

Reidar Ulvøy (Ap) sa at han støttar ei stenging.

Ordførar Per Lerøy (Ap) sa at det har komme mange bubilgjester til kommunen sidan måndag 20. april då dette vart opna. Gjester til kommunen er hjarteleg velkomne så lenge dei følgjer smittevernreglane. Lerøy la til at Kilstraumen skal opna igjen forsiktig frå 23/4, etter dei råda om smittevern som smittevernlegen har gitt. Det er då ikkje buffé, men middagsserivering.

Varaordførar Inger Lise Brekke (H) sa at det er vist til at det er vanskeleg å oppretthalda smitteverntiltak ved sanitæranlegg, og spurte om kva som må gjerast for at det skal vera ope.

Peter Kubon svara at om ein skal opna så må det vera reingjort mellom kvar enkelt brukar. Det er mogleg, men det krev mannskap. Ser at det lett at hadde blitt dårleg gjennomført om det skulle bli opna for dette.

Hardy Petersen (Ap) viste til at det er tilsvarande i Kvam Herad, Hardangerfjord Feriesenter med meir. Sanitæranlegg ved private og kommunalt er stengt, men den kommunale tømme-stasjonen er open.

Inger Lise Brekke (H) spurte kor lang tid stenginga skal vara?

Peter Kubon svara at det bildet som er i dag vil vara i månader framover. Ser ikkje for seg at det skal bli betre på kort sikt, det er ikkje signalet frå Staten eller andre. Når me har eit anna smittepress enn i dag er det ingen som har interesse av å oppretthalda dette lengre enn høgst mogleg, for dette er eit tilbod som ein eigentleg vil ha på plass. Har oppnådd mykje med det som allereie er gjort av smittevernstiltak, no må ein vera føre var og ta vare på det som ein alt har oppnådd.

Den overordna statlege tilrådinga er også at ein skal unngå unødvendige feriereiser. Strekker det allereie opp mot det rådet, ein stor aktivitet av bubilar går ikkje opp mot dette med unødvendige feriereiser, det er litt meir mot normalisering enn det som strengt tatt er ønskeleg.

Desse sanitæranlegga er ein av dei plassane der ein kan ha ukontrollert smitte. Når tømme-stasjonen er open er det pga. at alternativet kan vera at tømminga skjer ustrukturert.

Reidar Ulvøy (Ap) sa at forsiktig opning skal me ha, men støttar fullt ut at ein skal vera konservativ i denne situasjonen.

Inger Lise Brekke (H) sa at ho synest at kommunestyret skal setja ein dato på dette, evt. heller ta ei ny vurdering når denne datoen nærmar seg. Kva meiner smittevernlegen er naturleg å setta som dato om ein skal gjera det?

Per Lerøy (Ap) la fram at ein kan setta 14. mai som dato.

Reidar Øksnes (Sp) sa at han ikkje ser kva ein er ute etter med ein sluttdato. Om smittevernloven tilseier det så kan ein heva dette vedtaket. Det vert like feil å seia 14/5 som å seia til jul, ein veit ikkje meir den 14/5 enn me gjer i dag. Å følgja smittevernlova er det tryggaste me gjer.

Peter Kubon sa at med lite utanlandsreiser i år, må ein forventa at bubil/camping og båt vil ta seg opp. Slik staten meiner det, etter slik eg forstår, kjem dei ei smittebølge nummer to. Ein har vore veldig heldige både her og i Alver så langt, men det er andre område i landet med betydeleg smittepress, og ein kan venta større press mot oss i månadene som kjem. Dei overordna betraktningane er at Korona-situasjonen ikkje er over med det første.

Anne Dahle Austrheim (KrF) sa at ein slutt-dato skapar ei forventning om kommande opning mellom turistar, og legg press på dei som driv dette om at dei på kort tid skal opna opp. Forskrifta er heilt likt det som ligg i Alver kommune. Vil ikkje setja ein frist på 2-3 veker, og heller følgja det som kommunelegen har sagt.

Inger Lise Brekke (H) sa at det er gode argument som kom fram. Om KKL tar dette med seg i dei vidare møta er det inntil vidare som gyldigheit.

Per Lerøy (Ap) sa at KKL vil ta denne forskrifta med seg i møta framover.

Handsaming i kommunestyret:
Rådmannen sitt framlegg vart samrøystes vedteke

KS - vedtak:

Kommunestyret vedtek «Forskrift om stenging av sanitæranlegg ved campingplassar, bubilcamping og gjestehamner i samband med Covid-19».

Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.

Saksopplysninger:

Bakgrunn

I samband med Covid-19 (korona) er det innført ulike tiltak for å avgrensa smittefaren. Her i Austrheim vart det frå 3. april innført eit forbod mot overnatting i kommunen i campingvogner, bubilar og båtar (for dei som ikkje bur i Austrheim). Dette var tilsvarande det nasjonale forbodet mot overnatting på fritidseigedom utan heimkommunen (hytteforbodet), og vart oppheva frå 20. april samstundes med opphevinga av det nasjonale forbodet.

Men sjølv om det no er lov å overnatta i campingvogn, bubil og båt i kommunen, er det framleis enkelte tiltak det er naturleg å vidareføra for å redusera smittepresset. Kommunal kriseleiing (KKL) i Austrheim vedtok måndag 20. april at sjølv om ein opnar campingplassar og bubilparkering, så skal sanitæranlegga ved desse framleis vera stengde.

Dette er tilsvarande tiltak som er gjort andre stader, mellom anna i nabokommunen Alver. Det er rett og slett så utfordrande å etterleva krava til smittevern ved slike anlegg, at det er betre at dei er stengde.

Kommunen har 21. april vore i kontakt med Kilstraumen Brygge AS og med Åvika Bobilparkering i Njøta. Begge stader har dei per no stengt sanitæranlegga, nettopp på grunn av at det krev omfattande tiltak for å etterleva smittevernkrava, dersom anlegga skal haldast opne.

Det rettslege grunnlaget for forskrifta er heimla i lov av 5. august 1994 nr. 55 om vern av smittsomme sykdommer, § 4-1 første ledd bokstav b. Forskrifta gjeld fram til tiltaket ikkje lenger er

naudsynt, jf. smittevernlova § 4-1, 5. ledd.

Vurdering

Smittevernlegens vurdering er at realistiske smittevernrutinar neppe kan ivareta behovet for smittevern, slik situasjonen er per no. Difor er det betre å stenga sanitæranlegga for bruk inntil vidare. Dette er også i tråd med dagens praksis hjå tilbydarane for bubilstopp/camping i kommunen.

Vedtaket om ei lokal forskrift vil vere i tråd med rettleiaren frå Helse og omsorgsdepartementet, datert 29.03.20 «Veileder til kommunene om lokale karantenerregler eller innreiserestriksjoner i forbindelse med utbruddet av Covid-19». Der går det fram at tiltak etter smittevernloven § 4-1 må vere vurdert og begrunna i lys av den konkrete situasjonen i den einssilde kommune, og at eit kommunalt tiltak kan vera strengare enn nasjonale tiltak.

Konklusjon

Kommunestyret vedtek «Forskrift om stenging av campingplassar, bubilcamping og gjestehamner i samband med Covid-19».

Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.